

三方原戦記

309
84



0056879-000

309-84

三方原戦記


佐伯仲蔵・評点

正誼塾

昭和16

AJD





三方原戰紀



内田周平氏 寄贈本

三方原戰紀序

余弱冠在隄先師門。一日侍坐。談及後進之俊髦。先師語余曰。斯文學會有內田生者。善古文。吾嘗觀其所作濱松城墟記。雅麗雋妙。不愧古人。又聞其潛心經義。有所持守。他日必成大名矣。內田生者。謂仲準也。當是時。重野成齋。川田甕江兩先生。握海內文柄。從遊者皆一時之選。日下勺水。秋葉猗堂。鹽谷青山。植松果堂等。爲之翹楚。其文社曰廻瀾。月一會。麗澤相資。余以後生廁其間。仲準尋來參盟。於是始得相識。一見如舊。仲準長余數歲。在社中尙爲年少。既能

作精深堅卓之文。往往駕先輩而上之。時餘子多奉職史館。涉獵羣籍。雖腹笥非不富。而不若仲準專力經術之有得也。顧經之爲學。雖漢有傳。唐有疏。訓詁名物。止于小學。宋儒義理之學。於是乎興焉。朱文公集而大成。繼往聖。啓來學。所著通鑑綱目。主正統。誅亂賊。實取法於春秋。而後之爲宋學者。理氣性命。雖窮精微。大義名分。則語焉不詳。其能發揮綱目之旨者。唯崎門一派爲然。闇齋存心國體。綱齋以赤心報國。自誓嚴王霸之別。正君臣之分。春秋大義。復明于世。遂爲維新大業之先聲。此仲準之所奉以周旋也。

明治之末。文部省所撰小學國史。索南北兩朝之正閏。仲準慨然糾合同志。論爭甚力。遂使政府改訂其書。大正之初。有乃木家再興之舉。又上書當路。論其失體。詞嚴義正。秋霜凜然。苟大義所關。觸忌諱而不顧。其砥礪風節。扶植名教如此。輒近學者。所事唯考據。拾清儒餘唾。沾沾自喜。塊然日摩挲甲骨。以爲實事求是。其於聖人之道。買櫝還珠之類耳。嗚呼。微仲準。道學之統。庶幾乎絕矣。頃者仲準以講經之暇。著三方原戰紀。屬序余。仲準濱松人。原之地理。素所熟知。加之以口碑之便。又博考舊志。據實直書。布置井

然有條不紊。其敘事實而奇。穩而活。攻戰防守之形。勝敗得失之跡。瞭如指掌。不圖仲準別具史才。載筆乃爾。大家固無所不有也。仲準今年八十有五。矻矻不廢舊業。撰述益富。學問文章。爲一代儒宗。先師之言果驗。嗟乎。自余識仲準。歷年亦久矣。文社舊交。皆既凋謝。存者唯我二人。而余亦齡垂八旬。頽然老矣。臨序有不勝今昔之感者焉。

昭和十六年辛巳一月 天行松平康國撰

三方原戰紀

內田周平仲準著 門人佐伯仲藏評點



大正十一年八月。余歸展先墓。寓濱松宗家。一日尋城址回。訪市會議長中村君。忠君曰。欲建三方原戰蹟碑久矣。未之果也。將待明年襄事。願先生先草其文。余諾焉。而東歸。至冬起稿。會君獲疾以歿。事遂寢。頃怯故篋。得其舊稿。因補綴成此書。中間文辭。雖或採於先輩著作。事實舛謬者。則依據他書。以訂正之。又於年月地理。特加考覈。改題曰

○三方原在遠
江濱名郡三
方原村

三方原戰紀。顧吾家素不仕德川氏。然是篇稱家
康曰公者。其記述以家康為主。且尊慕其雄武治
績。猶甲斐人到。今稱信玄曰公。其稱濱松軍曰我
軍。意亦相同。要之人則德川氏將士。城則濱松。戰
場則三方原。此三者尤所詳述也。昭和十五年七
月。識於東京中野谷門精舍。時年八十有四。

濱松城背有曠原。南北三里。東西二里餘。在昔稱引
馬野。引馬又作曳馬。或作引間。以萩花著於古歌。及戰國時。與敵軍
相對。更稱味方原。終改三方原。以其地闕於東北西
而狹於南。成三方形也。原南隅有深谷。曰犀崖。距城

以上先敘古戰
場三方原地勢。
以為全篇總貫
劇戰二字。伏後
文不可匆匆
看過。

訓練將士。經略
東方八字。伏末
文。

約十町。尤為要害。又聞故老言。其要地有稱小豆餅
及大反。小反者。小豆餅及大反。出濱松御在城記。其址今僅存。元龜三年
十二月。城主德川公家康。與武田信玄戰于此。以古
戰場顯。今雖城毀谷堙矣。新設飛行部隊。以供軍備。
蓋其形勢隨時遞變。而德川武田二氏之劇戰。有最
足記者焉。

德川公家康起於岡崎城主。已定參河。入遠江。元龜
元年正月。修築引馬城。成居之。改名濱松。取諸古謠
也。隍壁深固。樓堞壯麗。見者以為東道第一。公時年
二十九。爾來訓練將士。綏撫民庶。西與織田氏連衡。

第一段、敘「家康」
信玄經歷性格、
以明其志望戰
略所存、且揭兩
將年齒、以示老
弱之差、用筆極
周匝。

第二段、敘「信長」
之行爲。

北修好於上杉氏。將以經略東方焉。當是時。甲斐國主武田信玄以豪悍之資。老練之智。最通韜略。有霸天下之志。欲西上以觀兵乎京畿。而織田信長既奄有尾濃。勢爲其所遮。於是與相模北條氏和。欲先伐德川氏。以開其進路。屢出兵於參遠二州之陞。未得志也。信玄時年五十。先是越前朝倉義景近江淺井長政伊勢北畠具教。皆送款于信玄。勸西上伐信長。而信長深畏信玄。卑詞事之。聞德川公與甲師交兵。不敢來援。二年七月。使人來言曰。聞信玄數侵貴邦。某當赴援。以西方事殷。未果也。願濱松當敵衝。宜徒

一語何等氣概。

第三段、敘「家康」
按行疆域。

一語何等詐矣。
第四段、敘「謙信」
之聲援。

居岡崎。公謝曰。徙居未晚也。某徐計之。使者出。公笑謂侍臣曰。吾而退此。當闕折弓箭去武門耳。信玄何足畏哉。八月二十六日。一本作七月下旬令秋葉山修驗僧淨全及其婿熊谷直好。一本淨全作光幡直好作直包聘于越後。尋盟。初永祿十一年二月。信玄與德川公約。以大井河爲界。遠江屬公。駿河屬信玄。三年閏正月十三日。公帥兵至大井河。按行疆域。酒井忠次小笠原長善。一本作長忠又氏儀陣島田川上。十九日歸濱松。信玄遣使責曰。嚮以天龍河爲界。分領東西。今出兵於大井河。何侵我疆場之爲。公怒。信玄欺誣。竟與之絕。四月上杉謙信入信濃。軍于長沼。

○長沼在信濃
上水內郡

○長篠在參河
南設樂郡

○掛塚在遠江
磐田郡

第五段、彼信玄
之策謀

第六段、彼彼我
出軍之狀勢、先
彼信玄之軍

爲我聲援也。五月公入東參河。縱火長篠城傍。以遙
應之。又增岡崎兵。爲備而還。八月巡視天龍河口。構
砦于掛塚港。以備敵水軍。又以植村與三郎中川市
助爲使節。贈書于謙信。是歲夏秋際。武田信玄命其
臣原昌胤內藤昌豐。招參遠浮浪之徒。俾細圖二州
地勢山川險要處以進。又遣人于北條氏。求援兵。發
書於朝倉淺井二氏。俾俱出師于美濃。以控制信長。
十月三日。信玄料北地雪深。越師不出。親將步騎三
萬五千。發甲府內藤昌豐小山田昌行小幡信貞真
田信綱高阪昌宣馬場信房諸將。各率其手兵爲前

鋒。嫡子勝賴。姪信豐。武田信充。跡部勝資。穴山信良。

或作信君
又號梅雪

土屋昌次。望月信雅。次之。小山田昌貞。小宮

山昌友。栗原左兵衛。今福丹波爲右翼。原昌胤。相木

市兵衛。安中景繁。駒井昌直爲左翼。市川國貞。小山

田大學。長阪鈞閑。下曾根信辰。室賀信俊。

或作行俊
號一葉齋

三枝守友。真田昌幸。曾根信實。屬麾下。是爲本軍。先

是九月二
十八日信玄使山縣昌景率兵五千先發。由信濃下

伊奈出東參河。以會于遠江。將欲東西竝進。合軍一

舉。勦滅德川氏。是時德川氏屬城高天神在東遠江。

野田在東參河。竝爲甲遠爭戰地。公因遣本多利久。

○高天神在遠
江小笠郡土
方村

○野田在參河
南設樂郡千

鄉村

第七段、彼家康
之軍

第八段、彼信玄
進軍與一言阪
戰聞

○犬居飯田久

野皆在遠江

周智郡久野

今作久能

○只來在磐田

郡光明村

青木一豐于高天神松平忠正設樂貞通于野田以
嚴兵備。宇津山砦在濱名湖西涯。為參遠交通要路。
敵連營以扼焉。公欲擇勇將守之。事在十月二十五日衆無敢應。
松平清善老而家居。請自往。公嘉其勇許之。迨山縣
昌景軍至。參河諸城多為其所攻陷。而野田守將菅
沼貞盈以兵七百峻拒。敵不能拔。十日信玄由信濃
上伊奈入遠江。踰青崩嶺。過秋葉山下。以犬居城主
天野景貫為鄉導。攻只來飯田二城。十二日拔之。進
攻久野城。久野宗能堅守不下。石川數正一本作家成在掛
川城亦嚴備不出戰。甲師乃陣于袋井見付間。十三

○掛川在小笠
郡

○袋井見付並
在磐田郡

○一言阪在磐

田郡井通村

○只來在磐田

郡光明村

本多忠勝單騎
奮戰之狀。描寫
如親。

日。公使內藤信成。大久保忠世將兵四千往拒之。甲
師破我斥候兵。進抵一言阪。將渡天龍河。以逼濱松。
公聞前鋒危。自出陣。城東馬籠。使本多忠勝率精兵
赴援。忠勝時年二十五。戴鹿角冑。提一槍號截蜻蛉。
者到一言阪。信玄親指麾兵士。勢不可當。信成欲退
以避敵鋒。忠勝曰。我為之謀。乃令從兵大兼某率卒
數十人。至見付驛。取薪藁。戶扉茅席類。積諸阪頭。翳
鳥銃於林中。待敵軍至。縱火發。鳥銃忠勝單騎提截
蜻蛉。馳突兩軍間。七八次。勢甚猛厲。敵不敢近。卒全
軍而還。公遣成瀨正一。一本作定好襲忠勝曰。非汝驍勇。則

○平八郎忠勝
通稱
第九段、敘家康
請援於信長

我兵幾殲。可謂拔羣絕類矣。甲斐將士亦莫不嗟賞其勇焉。此戰忠勝、信成等諸士蒙唐頭。唐頭或作唐首、牛尾也、外船所輪信玄近臣小杉右近助為之語曰：家康有過分者。二唐頭也。平八也。是時濱松兵不過八千。諸將勸請援於織田氏。公不肯。諸將僉曰：信長所領倍蕪於我。而曾連乞我援。我以二州抗強敵。未嘗乞援。今而一請。何恥之有。公從之。遣本多重次于岐阜。告信長。十一月下旬。信長遣其將佐久間信盛、瀧川一益、平手汎秀等。秀汎一本作長政率兵三千來援。告公曰：信玄善用兵。若來挑戰。請堅壁勿出。公欲速出戰。信盛等諫止之。以故遷延。



○野部二股在
磐田郡二股
今作二俣
第十段、敘二股
城之戰
○神增在磐田
郡

閱月未發也。甲師能知我地理。其進或由本道。或由捷路。我兵皆敗退。既而信玄從見付北徙。軍于野部。十二月。使勝賴、信豐及穴山信良圍二股城。城在天龍河東岸。南距濱松五里餘。馬場信房。一本作信春率北條氏援兵及信玄麾下兵并四千餘人屯成神增傍。近備濱松及掛川援兵。二股守將中根正照與松平康安、青木吉繼二士。吉繼一本作廣次勵衆力戰。二士濱松援將也。敵攻擊累日不能拔。信豐、信良相與謀曰：城守完固。急攻則多損士卒。此城西臨天龍河。岸壁高。故造井櫓。用轆轤以取河水。今我絕其汲道。則可不血刃。

○安間橋羽波
在濱名郡和田村
○吉田在夢河八名郡
○伊平在遠江引佐郡
○各和在小笠郡和田岡村
○天方一宮並在周智郡
○向笠在若田郡

而拔乃結筏繫縛材木從上流放之斷轆轤綱以杜絕水路城兵乏水大困十九日公率兵往援則城既陷矣不敢戰而歸是時甲師後至者屯安間橋羽間而山縣別軍既奪吉田城轉入遠江拔伊平砦以合于本軍信玄在野部使依田信守守二股城又修各和天方向笠一宮諸壘置新附士以備掛川兵而不敢攻濱松虞織田氏援兵既多至也二十二日信玄發野部濟天龍河過大菩薩陣于三方原將經祝田入井伊谷以抵于長篠乃縱火濱松北郭以脅之公怒曰信玄率大軍蹂過我城下是蔑我也命將士擊

○大菩薩在三方原東麓
○祝田井伊谷在引佐郡
第十一節入本題以下分十節詳敘三方原戰之狀筆力極縱橫開闔之妙家康一語亦何等憤激不敢復言以上第一節以下第二節敘兩軍陣形

之諸將諫曰信玄老將也身經百戰而其衆過三萬我兵則僅八千何可敵乎公曰設有衆人蹂過我後園吾豈在室而不叱訶乎兵之勝敗天也不必在衆寡矣惡可不擊而止哉辭氣激烈諸將皆決死而不敵復言甲師之過三方原我兵出而觀之或投礮敵兵輒反投城兵相踵而出者數百人於是公出陣于犀崖前與甲師夾小豆餅南北相對小豆餅者原中要衝處也我軍酒井忠次瀧川一益平手汎秀佐久間信盛爲右翼小笠原長忠松平家忠本多忠勝石川數正爲左翼公居其中甲師山縣昌景小山田信

○田峰在參河

北設樂郡段

嶺村

○作手在南設

樂郡

第三節、鼓我軍

隊伍與甲師進

出

茂一本作高重內藤昌豐小幡信貞等為第一線。馬場信房
 武田勝賴等為第二線。信玄居其後。參河山家三方
 將屬焉。山家三方將謂田峰菅沼定忠長篠菅沼正
 定作手與平貞能皆叛我從信玄者也。蓋甲師作魚
 鱗勢。我軍作鶴翼勢云。戰將起。我兵八千餘。分為九
 隊。酒井忠次石川數正柴田康忠青木吉繼中根正
 照為前隊。小笠原長忠松平家忠松井忠次本多忠
 勝次之。榊原康政為麾下前鋒。織田氏援將瀧川一
 益與柴田康忠大久保忠世合隊。佐久間信盛平手
 汎秀相竝而陣。鳥居信元一本作忠廣為軍監。小山田信茂

第四節、鼓家康偵察敵狀

之士上原能登告信茂曰。臣從犀崖望瞻濱松軍。分
 隊為九。布陣甚薄。而岐阜援兵。旗幟不競。戰必勝矣。
 信茂與馬場信房馳告諸信玄。信玄更使室賀信俊
 視濱松軍。亦如能登言。乃命信茂為前鋒。日加晡。公
 使信元偵敵狀。信元還報曰。敵衆而整。不易當。宜引
 還我兵。既發者無已。則待敵兵至。祝田阪而追擊之。
 可也。公不懌曰。吾意汝緩急可用。今見敵衆而膽落。
 何其怯也。信元曰。諷察彼我勝敗。是應緩急也。何謂
 之怯耶。憤然而去。公更遣渡邊守綱往視。守綱亦歸
 告。敵勢甚盛。急返先發之兵。時柴田康忠大久保忠

第五節、飯小豆
餅及大反小反
之戰

佐年壯輕剽。既率步卒躍進。曰：多言何爲。要獲髡首耳。守綱止之。不聽。衝信茂陣。敗而還。石川數正、酒井忠次兵揚聲挺前。亦與信茂兵戰。數正從土外山。正重揮槍第一。守綱從旁出。以長槍刺敵。忠次又來擊。信茂敗走。本多忠勝、榊原康政與山縣昌景兵戰。亦走之。馬場信房代信茂來襲。忠勝、康政邀以擊之。信房兵亦敗走。日向暮。信茂、信房白軍略于信玄。信玄復遣信俊偵敵狀。躬自帥兵三千。侵平手。汎秀軍。佐久間信盛見之。懼而走。汎秀奮激能戰。信茂來擊。汎秀汎秀軍潰。公怒。帥麾下兵。手振白旄。提槍奮前。擊

第六節、飯甲師
返擊、我軍大敗
之狀
○中澤村名今
屬濱松市

山縣昌景、昌景不支。却走數百步。酒井忠次、大須賀康高、小笠原長忠進與山家三方將戰。公又以麾下兵馳之。奮槍突擊。三方將披靡而却。我軍逐北。斬首數百級。時人稱公勇。謂之小豆餅之戰。時小山田等兵奄至。與三方將兵逼公麾下。公又奮擊却之。時人復稱公勇。謂之大反小反之戰。反者謂地之高低相反也。山縣兵之敗也。勝賴驅馬負大旆。提長槍。以奇兵來援。橫擊公。山縣兵便返擊。小山田兵踵之。鋒銳甚。中根正照、青木吉繼俱冒敵陣死。酒井忠次敗走。至中澤止。榊原康政至馬籠。與追兵奮鬪。僅

以下爲劇中
最劇之處

○伊場村名今
屬濱松市名

以身逸。是時米倉重繼管轄重在信玄後。信玄令重繼棄輜重。由山徑進。橫擊我軍。武田信豐穴山信良內藤昌豐亦相繼擣我軍後。於是信玄揚揚帥全軍。鼓譟而進。聲撼山嶽。我軍終大敗。松平家忠獨止拒之。從兵戰死數十人。石川數正來援。令士卒下馬。橫槍而伏。甲師乘勝競進。士卒即齊起擊之。鳥居信充衝信玄麾下。與敵將土屋直村相搏。以斃。成瀨正義冒山縣陣。挺身薄昌景。爲敵衆掩殺。公見戰危。切齒勦衆。口噴沫。返擊者數次。我軍憊甚。將士死者不可數。平手汎秀奮戰。與從士三百亦死于伊場。於是公

栗嶺江並町
名。名栗今作
名殘

第七節 筑夏目
吉信代家康而
死

知其不利。命諸隊引還。自名栗至鴨江。本多忠真殿敵逼急。疾戰而死。內藤信成代之。勢不可支。還至伊場。其屬皆死。鳥居元忠拒于馬籠。被創以退。甲師乘勢萃于公麾下。旗司安藤基能米津重信死之。大久保忠隣菅沼定政松平景忠三宅正貞小栗久次內藤正成鶴殿八郎三郎平岩虎之助渡邊守綱服部正總等。或騎或步。以捍護公。捍護者姓名諸本有異。同今從烈祖成績。敵兵益逼。公自度不脫。策馬北向。欲返決死。夏目吉信在城中。聞急馳至。扣公馬。諫曰。此非大將授命之時。宜速歸城以圖後舉。公不聽。曰。城下之戰。一敗塗地。詎不

第八節 筑家康
歸濱松城之狀

可忍。何活為。曰。臣請代君誑敵。君以其間免。乃解胃。與公易。令畔柳武重牽轡南向。以槍鐔驅之。謂武重曰。子以我君免。武重欲止共死。吉信揮而去之。身突甲師。呼曰。德川某在此。舞槍殪二騎。與從士二十餘人。皆戰死。一城聞敗。大擾。高木廣正獲一髡首還。髡首信玄道也。後知之。公命廣正貫首于刀鋒。徇曰。敵軍戰敗。吾獲信玄首矣。衆聞稍定。公令大久保忠世植章旗於犀崖。以聚散卒。甲師以為大將。爭赴之。相擠墮崖。忠世又發銃手擊之。死者無算。公策馬將入城。門闔。武重大呼曰。君歸矣。盍開。公入。下馬杖槍。慨然謂武重

第九節 筑家康
故令開城門

曰。曩信玄將入井伊谷。尾而擊之。豈不取勝。為佐久間等所阻。憾可勝言哉。都築秀綱妻在城中。豫煮粥以餉士卒。後公賞以衣服。當此時。瀧川一益守鹽町口。南。城戶田忠次守山手口。西城。而敵虜至薄城。鳥居元忠守玄默口。城北。今作元且。日已暮。請闔門。公令開焉。曰。闔則敵以我為怯。開則使敵不可測。且納城兵後至者。命設燎於內外數處。照明如晝。馬場信房。山縣昌景等來攻。見門開。將入。信房止之曰。敵兵新敗。而開門自如。恐有伏矣。將引去。元忠與渡邊守綱率兵三百出。門接戰。元忠傷股健闘。會忠次數正引殘兵返。咄

○普濟寺在濱
名郡富塚村、
今屬濱松市
廣澤町、
第十節、鼓家康
守禦之狀與兩
軍死者之數、

其劇戰可知也
一句、顯、應起首

喊襲敵背。敵不能克。火普濟寺而退。公召諸將議守
禦。大久保忠世進曰。一紐不振。敵愈侮我。請集諸隊
鳥銃。以劫敵營。公聽之。所得銃手僅十六人。忠世等
夜與士卒一百。率焉以出。自間道抵犀崖。臨穴山信
良營。爭發銃。敵多死傷。信玄在本營。嚴備自守。見之。
駭曰。克捷不可恃。可畏者濱松之兵矣。夜戍牌。酒井
忠次登櫓擊鼓。聲聞城外。公婢薦湯澆飯。公嚼三椀
而寐。是日天陰雪飛。戰自申至酉。死者敵甲士三十
餘人。卒四百九人。我甲士五百三十五人。卒不可數。
人數諸本有異同。今從烈祖成績。其劇戰可知也。二十三日。信玄檢所獲

二氏之劇戰句、
收東上來無數
大文字、辭簡而
勁、何等手腕、何
等伎倆、

第十二段、鼓信
玄之引去、

第十三段、鼓甲
師之節制與我
軍之訓練、

○平口在濱名
郡小野口村、
○刑部在引佐
郡中川村、

首級於犀崖側。凡三百餘。諸將校請乘勝攻城。高阪
昌宣固諫。信玄從之。遂引兵去。公登城樓望之。顧富
永某。問敵去留。對曰。後拒乏輜重。軍竈不見烟。是必
去矣。果如其言。翌日。信玄收全軍以去。昌宣殿焉。隊
伍嚴整。公自樓上瞰之。謂本多忠勝曰。大軍有節制。
洵足觀矣。信玄雖仇。吾不欲戕之。甲師經平口。次于
刑部。休士馬。將迎新歲。馬場信房謂信玄曰。前日劇
戰。濱松之兵。至於步卒。莫不奮鬪。臣視其屍。北首者
俯。南首者仰。可以見家康訓練之至矣。嚮使主公與
家康和婚。媾以為先鋒。則天下何足圖乎。嘆稱不已。

三十一
三十一
三十一

蓋自有三方原之役。後十二年。而東方經畧寔成。天正十二年正月朔。參河遠江駿河甲斐信濃五州將士會于濱松城。謁德川公賀正焉。濱松之盛莫過於此時云。

精究地理。審按日時。據實直敘。逐段詳述。滔滔四千六百餘言。使彼我兩軍之進退行動。與劇戰勝敗之迹。一讀瞭然。視之從前戰紀。夔異其撰。而筆力亦勁健雄渾。超軼先輩。私以爲必傳之書矣。

昭和十五年庚辰臘月

門人佐伯仲藏敬識

三方原戰紀終

跋

三方原之役。武田氏勝。而德川氏敗。衆寡之勢。固不得。不然而敗者。名聲大揚。勝者威武頓落。何也。蓋信玄之志。在樹幟於京畿。而濱松當其進路。因欲先屠之。率大軍入遠江。連拔數城。意滿氣驕。以謂勦滅豎子軍。一食頃耳。進陣三方原。劇戰數合。纔能勝之。然亦多喪部下。且逼濱松城。知其有備。不能加一矢。引軍而去。西上之策。乃寢。家康則反之。見勅敵而不懼。聞敗報而不驚。應機善謀。陷死地而生。將士亦精銳。驍悍。一以當千。俾信玄咋舌。豈非所謂敗而勝者耶。

世之論述是戰者。未曾一言及此。吾見其史眼之甚卑也。遠湖內田先生。濱松人也。夙諳其地理。又深研覈史實。詳敘勝敗之跡。題曰「三方原戰紀」。滔滔五千言。老雄名將。龍拏虎擲。風雷鼓蕩之狀。宛然如觀。使人不能手釋卷。讀至末段。則一興一衰之機。隱約散見。文最有精彩。洵是盲史宗旨。腐令正脈。史眼極高。非啻筆陣縱橫。一掃千軍也。遂跋。

昭和辛巳五月上浣 辱交 川田瑞穗謹識

昭和十六年七月五日印刷
昭和十六年七月十日發行

【非賣品】

東京市中野區城山町二十七番地
著作人 內田周平
東京市日本橋區茅場町二丁目四番地
印刷人 圓谷三之助
東京市日本橋區茅場町二丁目四番地
印刷所 圓谷印刷所
東京市中野區城山町二十七番地
發行所 內田周平
正誼塾

309

84

